

Haustfundur HSS var haldinn í Malarkaffi á Drangnesi fimmtudaginn 25. október kl. 19:30. Mættir voru 15 félagar frá fjórum aðildarfélögum; Geisla, Neista, Skíðafélagi Strandamanna og Hvöt. Lagt var til að Arnar Snæberg Jónsson yrði fundarstjóri og Aðalbjörg Óskarsdóttir fundarritari. Samþykkt samhljóða.

Fundarstjóri bauð fólk velkomið á fundinn og útskýrði fyrirkomulag hans. Tilgangurinn með honum er að gera upp sumarið, spjalla um það sem tóskt vel eða illa og ræða um veturinn framundan. Arnar skýrði frá því að fundurinn væri fyrst og fremst hugsaður sem spjall- og samráðsfundur um málefni HSS, ekki jafn formlegur og t.d. ársþing. Fundurinn hófst síðan á borðhaldi, en boðið var upp á dýrindis fiskisúpu og frábæra kjötsúpu að hætti hússins.

Eftir gömsæta máltíð var gengið til fundar.

1. Starfsemi HSS sumarið 2012

Framkvæmdastjóri lagði fram og fór yfir ritaða skýrslu um starfsemi HSS frá síðasta ársþingi. Reykjaneshyrnan var fjall HSS í verkefninu *Fjölskyldan á fjallið* í sumar og Göngudagur fjölskyldunnar var haldinn á vegum Geisla og Neista á Hólmavík og Drangnesi. Nokkrir keppendur frá HSS fóru á Landsmót 50 ára og eldri og Polla-og pæjumót fór fram á Hamingjudögum. Héraðsmót í frjálsum fór fram á Sævangi og var frjálsíþróttaráð virkjað og sá það um undirbúning utan markaðssetningar.

Unglingalandsmót fór fram á Selfossi um verslunarmannahelgina. Landsmótsnefnd HSS var virkjuð og fundaði hún með foreldrum í aðdraganda mótsins. Að vanda var gott samstarf með USVH. Jamison Ólafur Johnson og Harpa Óskarsdóttir náðu bestum árangri í einstaklingsgreinum á mótinu; Ólafur náði í brons í 600 m hlaupi og varð í 6. sæti í spjótkesti. Harpa sigraði í spjótkesti, stafsetningu og varð í 7. sæti í kúluvarpi. Barnamót HSS var haldið í umsjón Umf. Hörpu og HSS á Kollsársvelli í Hrútafirði um miðjan ágúst. Þar kepptu 30 krakkar 12 ára og yngri í ýmsum greinum.

Auglýst var eftir umsóknum í sérsjóð HSS í apríl. Aðeins bárust tvær umsóknir frá aðildarfélögum. Lýsti framkvæmdastjóri yfir vonbrigðum sínum með fjöldann. HSS lagði talsverða vinnu í að sækja um að halda Landsmót 50 ára og eldri 2014. Það náðist ekki, en sambandið hefur verið hvatt til að sækja um mót að nýju þegar tækifæri gefst. Héraðssambönd á Vesturlandi eru að vinna að samstarfi í þeim tilgangi að efla frjálsar íþróttir á starfsvæðum sambandanna. Verið er að skoða lög HSS hjá ÍSÍ. Ekki var haldið héraðssamband í golfi eins og ákveðið var á ársþingi í vor.

Framkvæmdastjóri sinnir upplýsingagjöf, veitir aðstoð við styrkumsóknir, sér um samskipti við aðildarfélög, FRÍ, ÍSÍ og UMFÍ og alla uppfærslu á vefsíðu sambandsins svo fátt eitt sé nefnt. Mikil aukning hefur orðið á heimsóknum á heimasíðuna og er fjöldi fréttar orðinn mun meiri en undanfarin ár.

Orðið var nú gefið laust um skýrslu framkvæmdastjóra um sumarstarfið.

Rætt var um sundmót en ekki hefur verið haldið sundmót síðustu tvö ár. Reynt hefur verið að halda mót í samstarfi við UDN en það hefur ekki gengið sem skyldi vegna

þátttökuleysiss og lítils áhuga. Sundiðkun er ekki mikil á svæðinu og verðugt verkefni fyrir stjórn sambandsins að íhuga hvernig haga skuli sundmóti næsta árs. Mögulegt er að halda einhverskonar skemmtisund til að efla áhugann, en ekki leggja áherslu á keppnissund að sinni.

Rætt var um að Bæjarfellið yrði fjall HSS í verkefninu *Fjölskyldan á fjallið* sumarið 2013, en Reykjaneshyrnan hefur verið það undanfarin tvö ár. Fundarmenn voru almennt sammála um þetta.

Rætt var um að margir aðilar sem hafa farið að keppa utan héraðs, eða haft áhuga á því að keppa í mótum utan héraðs, finnist afskaplega erfitt að fá upplýsingar um mót með góðum fyrirvara og yfirleitt sé ekki ljóst á vettvangi móta hvert eigi að leita eða hvern eigi að tala við. Framkvæmdastjóri tók undir þetta, taldi að mörg mót – meira að segja Meistaramót í frjálsum – væru yfirleitt ekki nógu vel auglýst og að það þyrfti að leita eftir öllum upplýsingum. Einfalt mál væri fyrir sambönd eða félög sem sjá um mótshald á stóru mótunum að nýta sér t.d. póstlista héraðssambanda.

Þá var velt upp þeirri spurningu hvort HSS tæki þátt í að niðurgreiða eða greiða að fullu þátttökugjöld á mót. Formaður og stjórn töldu það sjálfsagt. Koma þarf þessum málum í fast form.

Rætt var um hvort ætti að gefa út fréttabréf í föstu formi, en ekkert slíkt hefur enn komið út árið 2012 og öllum úrslitum og upplýsingum þess í stað miðlað á netinu. Mikill áhugi var fyrir því að fá slíkt fréttabréf í útgáfu. Framkvæmdastjóri sagði að uppsetning, ritun, ljósritun og samsetning eins fréttabréfs með t.d. úrslitum á héraðs- eða barnamóti tæki að líkindum alla vinnu eins mánaðar þar sem framkvæmdastjóri starfar aðeins í 10% hlutfalli. Fundarmenn sammála um að stjórn og framkvæmdastjóri reyni að finna flöt á þessu máli.

2. Styrkir og samskipti við sveitarfélög

Vignir Örn Pálsson formaður fékk orðið og skýrði frá því að HSS hefur sótt um styrk til sveitarfélaga á starfssvæðinu. Árneshreppur hefur styrkt sambandið um 50.000.- og Kaldrananeshreppur um 100.000.-. Formaður og gjaldkeri fóru á fund sveitarstjóra og oddvita Strandabyggðar til að ræða styrktarsamning sem felur í sér aðgang að skrifstofu, frí afnot af íþróttahúsi til að halda fótboltamót fyrir börn í nóvember-desember, auk þess sem Strandabyggð leggi sambandinu til kr. 200.000 á hverju ári.

Vignir sagði að á fundinum hefðu þeir lagt fram hugmynd um að starfshlutfall framkvæmdastjóra yrði aukið upp í 15% og að hann sé þá 75% starfsmaður Stranda-byggðar. Meðal brýnna verkefna sem þarf að vinna á næstunni og framkvæmdastjóri gæti sinnt er uppfærsla á afrekaskrá HSS.

3. Mótshald og hugmyndir fyrir veturinn

Arnar fór stuttlega yfir mót sem haldin voru undir merkjum HSS síðasta vetur. Fjölmennit badmintonmót var haldið á Hólmavík, bridgemót var haldið í Árneshreppi (Bridgefélag Hólmavíkur og Leifur Heppni sáu um mótshaldið), héraðsmót í skíðagöngu var haldið í Selárdal undir umsjón Skíðafélags Strandamanna og fótboltamót fyrir 1.-8. bekk var haldið seint í nóvember á Hólmavík. Fundargestir töldu almennt að vert væri að halda framangreindu mótshaldi áfram á komandi vetri.

Í umræðum komu fram fleiri hugmyndir um mótshald eða viðburði sem HSS eða aðildarfélög gætu staðið fyrir í vetur:

- Borðtennismót fyrir börn og fullorðna
- Skákmót
- Hlaup (götuþlaup eða víðavangshlaup)

Rætt var um að hvetja Hólmadrang til að endurvekja Hólmadrangshlaupið sem var á dagskrá í allmörg ár, en hefur ekki farið fram lengi. Framkvæmdastjóri stakk upp á að HSS myndi bjóða fram krafta sína við markaðssetningu á Strandagöngunni sem væri tvímælalaust stærsti íþróttaviðburður á Ströndum. Nefndi hann t.d. þann möguleika að hann myndi aðstoða skíðafélagið við markaðsetningu á Strandagöngunni. Einnig var rætt um þann möguleika að halda félagsmálanámskeið.

Hugmyndir um mótshald og aðrar hugmyndir sem vöknud í umræðunni á fundinum var sett í hendur stjórnar sem tekur endanlega ákvörðun um mótshaldið.

4. Önnur mál

Framkvæmdastjóri tók til máls og ítrekaði hvatningu sína frá síðasta ársþingi um að félög skuli vera dugleg við að senda upplýsingar um atburði eða fréttir á hann til að auka sýnileika og þar með auka líkur á að nýjir iðkendur taki þátt.

Göubjörg Hauksdóttir nefndi að útbúa þyrfti afrekaskrá, en það hafði verið nefnt stuttlega á fundinum áður. Fram kom að sótt var um styrk til Verkefna- og fræðslusjós UMFÍ fyrir þetta verkefni en svar hafði ekki borist ennþá. Síðasta prentaða afrekaskrá er síðan 1984 og því töluverð vinna framundan.

Óskar Torfason þakkaði fyrir styrk úr sérsjóði en Neisti fékk styrk til byggingar á áhaldahúsi við fótboltavöll.

Vignir formaður tók að lokum til máls og afhenti Hörpu Óskarsdóttur nýjan farandbikar fyrir að vera efnilegasti íþróttamaður HSS árið 2011. Hörpu var klappað lof í lófa. Framkvæmdastjóri skaut því að fólki í miðjum fagnaðarlátum að skv. lögum eiga bæði íþróttamaður ársins og efnilegasti íþróttamaður ársins að fá bikar til eignar. Ásbirni og Valgerði var þökkun gestrisnin og formaður þakkaði fyrir fundinn.

Fundarstjóri sleit fundi kl. 22.14
Aðalbjörg Óskarsdóttir ritaði fundargerð

Arnar S. Jónsson hreinskrifaði daginn eftir